

# Epica chi casca

Tarra di e suffrenzi muti a la paci di sti visi,  
A l'ombra di e to passioni indu rinasci a fratiddanza.  
Ma quali sara issa fiara cusi viva in a to menti,  
Ma u tempu si copri, tu ti circhi una prisenza.

Mari di i distini è di i veli strappati,  
A l'ombra di e to scuma spariti senza ritornu.  
Ma quali sara issu batteddu a l'alma avinturosa,  
Aspittendu u ventu nant'a l'immensita ...

A u tempu di a battaglia in pedi a l'ultima fanga,  
Dulori è rumori d'una epica chi casca !  
A i puteri senza primura pà l'angoscia di i to anni,  
E a issi fiori sbucciati a l'alba libarata ! ...

Celi di i turmenti è culori di sangui,  
A l'ombra di u to cantu d'armunia naturali.  
Ma quali sara u prezzu di ssu ghjocu maladettu,  
E pò sunia ghjorni novi la piazza a l'arcubalenu ...

Patria di ssi staghjoni a la fedì di l'orizonti,  
A l'ombra di e to silenzi indu rinasci a spiranza.  
Ma quali sara issu gran'diu prumittendu l'ori piu beddi,  
D'un viaghju cusi longu a i cunfina universali ...

A u tempu di quidda battaglia in pedi a l'ultima fanga,  
Dulori è rumori d'una epica chi nasci !  
A i puteri d'ogni primura è l'angoscia di i to versi,  
E a issi fiori cascati pa l'alba libarata ! ...

*Bruno Susini*  
*Surghjenti*